

Misioneras
Inmaculada
Concepción



Familia Concepcionista rohayhuetéva:

Ñañembyaty jey ñañembosako'ívo pe vy'a guasu Inmaculada Concepción jerere. Ha katu ko arýpe ndaha'úi oimeraẽ ary añónte; ñagueromandu'áva, katu ha'e rehe **175 ary oñemopyenda hague ñane Kongregación**. Ko jeguata pukukue javeve, ñamomba'eguasuse mayma omoirûva'ekue **oiko haguã ojapo ha ohupytýva iporãva**. Ñaño'invita jasegui ha'gua **ñame'ẽ aguyje** ha'égui discípulo misionero, heredero ha artesano ramo pe Carisma Concepcionista omoñepyrûva'ekue Madre Alfonsa ha umi hermana peteĩha 1850-pe.

¿Mba'éichapa **ñamomba'eguasuse** ha **ñame'ẽ aguyje** ñande familia MIC jeguata rehe jagueromandu'ávo ñande **175 aniversario**?

Ñanẽ familia okakuaa hembiasakue pukukue javeve, peteĩ jey ñande fundadora oñandu haguéicha. Ha ipype, ha'e rupive ha hapykuéri, Ñandejára odesplega imisión oservívo pe Reino-pe. Upévore **javy'a** ha jasegíta jagueromandu'a tekove umi tapicha, komunida ha realidad ñañemopyendahápe ndive, ha'évo semilla osegítava hi'a ikatu ha'guáicha **ñanase jey esperanza reheve**.

¿Mba'éichapa ikatu **ñanase jey esperanza reheve** ko'ága opa comunidad Concepcionista-pe?

Tupao universal ramo, jaiko hína **Jubileo de Esperánzape**. Vida consagrada ogueromandu'a ramoite Rómape lema **"Peregrino esperanza rehegua, py'aguapy rapére"**.

Papa León oñemoñe'ê mayma kuimba'e ha kuña conságradope opytávo fiel espíritu sinodalidadpe, ñanerenóivo jaiko haguã peteĩ misión apasionada, ojeapóva peteĩ “diálogo doméstico”-gui ombopyahúva Cristo Rete ára ha ára umi relación, proceso ha método vida eclesial-pe. Ha'e ñanemomandu'a ko'ága Tupao ojerureha ñandéve ha'e ha'gua testigo ijojaha'ỹva comunión rehegua, **ikatúva jaguata oñondive** opa Ñandejára familia tuichaitéva ndive, ñakomparti pe vy'a ñande vocación rehegua, jasupera umi división, ñaperdona ha jajerure perdón umi confinamiento ñande pypeguáre. Ha'e he'i ñandéve: *“Pemba'apo oiko ha'gua pen-dehegui, ára ha ára, experto sinodalidape, ha'égui ko estilope Tupao ohechakuaa Cristo rova oguatáva ñanendive”*.

Jajoaju ñande Tupaóndive ha ipropuestarehe jaguata ha'gua sinodalidadpe, ha **jaikuaávo** opavave jajepohague peteĩ ñaiũgui. ¿imba'eichapa jasupera umi división **ñaperdona ha jajerurévo perdón?** ¿Mba'eichapa ñaipytyvõ **py'aguapy ñande ryepýpe** ha upéicha jaasegura ñane ñe'ẽ ha ñane rembiapo omopu'ãha **py'aguapy social?**

Ñañemo'aguĩ jey **María** rehe ñañandu ha'gua hi'aguĩha ñanderehe, ña'aprende chugui, pe experiencia orekóvaguei kuña jerovia reheve, sy ha ñane iruramo pe jeguatahápe, ikatu ha'guáicha ñaneinspira umi tape **ñañangareko ha'gua mborayhúpe**, ha'e ojapo haguéicha, ha upéicha jasegui **jajapo ha jahupyty iporáva**.

María, peteĩ kuña imitáva, mboriahu ramo peteĩ aldeagua oĩva periferia social ha cultural itiepope, oñesorprende Ñandejára irrupción hyepýpe, omohera kuãvo tekove pyahu pueblo oha'arõva'ekue liberación ramo. “Oĩ umi mba'e umi tapicha simple añoite, henyhëva jeroviaguei, ikatúva ojagarra, añetegua umi tapicha añoite oikuaáva ointui, vy'apavẽ umi imboriahúva añoite ikatúva odisfruta”. (J. Antonio Pagola)

¿Mba'eichaitépa imbarete ñande **jerovia** pe promesa Jesús rekove pyahu rehegua, oikóva ñandepype, ikatuha omoambue ñane plankuéra?

“Evy'a” ha'e pe maitei María ohendúva Ñandejáragui, ha ko'ága avei ñahenduva'erã. Py'ỹi jaheja ñañeafecta ñembyasy; ha'e peteĩ temiandu yvypórai-chaité, ha katu ndo'invadiiva'erã ñande rekovépe, ofaltágui ñandéve vy'a, cordialidad okañy, hermandad oñehundi ha ñande jerovia operde isabor orekóva peteĩ tekove henyhëva; opa mba'e hasyve ohóvo. Tekotevẽ jaiko vy'ápe ha'e ha'gua umi kuña ha kuimba'e, ñande fragilidadpe, okompartiva pe responsabilidad ha'évo semilla de vida ofecundátava ñande realidad personal, comunitaria, familiar ha social. María ñanembo'e jajerovia ha'gua jepe ñantende'ỹre, ña'añua ha'gua pe vy'a osëva pe tekove promesa oñeconcibiva'erãgui gueteri.

¿Ñame'ëpa Ñandejárape espacio ñanemomaitei ha'gua pe **“Evy'a”**

oñembohasáva Mariápe? Ñañandúpa pe **vy'apavẽ** tuichaitereíva ha'égui **idisipulo**?

¿Mba'éichapa **ñakomparti** peteĩ teĩ komunida, grupo, centro ha familiápe, **pe vy'a** jajuhúva ñande vocación iporãitévape?

Lucas Evangelio opresenta María **osẽvo** ojotopa hağua iprima Isabelndive. Oñemoĩ en movimiento jerovia rupive pe marandu orrecibiva'ekue Ñandejáragui ha pe misión oñekonfiáva chupe. Iñañuãme, okomparti hikuái peteĩ jokupyty he-ñóiva pe tekove pyahúgui ogueraháva ipypekuéra, pe tembiása Ñandejára ojapova'ekue so'õ ipypekuéragui. "Pe abrazo ha'e heta hetave peteĩ reunión mokõi pariente apytépe. Omarka peteĩ entendimiento compartido esperanza personal ha colectiva. Ha'e jotopa mokõi kuña rehegua, generación oúva cúspide maternidadpe, ojoajúva, Ñandejára grásia rupive, tape oiko haguã sy peteĩ época pyahúpe." (Ana Ma Díaz)

¿Jagueroviápa pe **esperanza ome'ẽva tekove** añetetegúáva rehegua, peteĩ esperanza ohasáva ñande infertilidad ojehecháva reheve?

¿Jagueroviápa ñamopu'ãne hağua **peteĩ época pyahu** pe **presente** ha'etáva jaguerekóragui ñande pópe, umi michúva ha heñói pyahúvandi?

María ha Isabel oñomomaitei, ha ko maitei rupive ohechauka ñandéve mba'éichapa Ñandejára ointervení yvypóra relaciónpe. "*Isabel ohendúvo María maitei, pe mitã otyryrĩ isy rytepyépe, ha henyhẽ Espíritu Santogui*". Ha'ekuéra oñomombarete okomparti rupi pe capacidad ohechakuaa hağua Ñandejára señal ha omoherakuã hağua iñe'ẽme. Ko'áva ha'e ñe'ẽ omongakuaáva ñande jerovia ko'ága peve: "*Nde hae'e rejehovasavéva kuñanguéra apytépe, ha ojevovasa nde ryepype pe mitã! ¿Máva piko che ouhağua che Ruvicha sy che rendápe?*".

¿Ñamombe'úpa ñande rekovepe **jahovasáva** ("ñañe'ẽ porã"), ña-ñe'ẽ porã ambue tapicháre, jaipota mba'e porã chupekuéra ġuarã?

Jesús omyesakã mávapa ovy'a ha mba'épa pe condición idisipulokuéra omoañeteva: "*Ovy'a umi ohendúva Ñandejára ñe'ẽ ha okumpliva*". Isabel he'i avei Mariápe: "**Pevy'ake peẽ pegueroviáva**". María oaccepta Ñandejára marandu ha misión ijeroviarupive. Pe iniciativa ha'e Ñandejára mba'e; pe ñembohovái ha'e María mba'e, ohendúvo pe Ñe'ẽ ha ombohovái. María ha'e pe temimbo'e ha discipula ñepyrumby.

¿Mba'éichapa ambopyahu che ñembohovái, che "**tojejapo ne rem-bipota**", pe misión oñekonfiáva chéve discípu@l@ misioner@ ramo?

Isabel ohechakuaa Tupã Ñandejára grásia oguahẽha hekovépe ha omombe'u: "*Péva Ñandejára ojapo cherehehápe*". Ko'áva ha'e kuña, ojuhúvo Ñandejára rembiapo hekovépe, ikatupyryva ohechakuaa Ñandejára rembiapo ambue tapichápe.

¡Jadescubri ha ñamombe'u Ñandejára rembiapo ñande rekovepe ha umi mba'e oikóvape ha tapicha kuéra jajuhúvape?

Papa León ome'ẽ ramoite ñandéve iexhortación *"Dilexi te": "Rohayhuva"* (Apoc 3:9). Ipype ñanemomandu'a Ñandejára oiporavoha umi mboriahúpe ha omomba'eguasú Jesú mborayhu pypuku mboriahúrehe ha mba'éichapa oñembojoja hendivekuéra. *"Papa Francisco ombosako'i oñeimagínava Cristo oñe'ẽha peteĩ teĩme, he'ívo: Peẽ ndapeguerekói ni pu'aka ni mbarete, ha katu che pohayhu". Ko moñe'ẽrã ñanemomandu'a umi mba'e he'íva María cánticope: "Ha'e omboguejy umi ipu'akapávape itrónogui ha omopu'ã umi imboriahúvape". Pe Evangelio proclamación ojeguero via ramo añoite oñembohasávo gesto ñanemohi'agui ojehegui ha bienvenidape; ...opa migrante oñemboykévape, ha'e Cristo voi ombotáva komunida rokẽ".*

Aha'arõ avei pe ñañembo'ejave ko Magnificat ñe'ẽ reheve, jaikuaa ko opción hesakáva ñande jerovia rehegua umi tapicha oikóva mboriahúpe guarã. Aha'arõ pe tekove ha misión pyahu heñóiva hína ñande rekove umbralpe ñandegueraha jasegui ha gua *"ñaipytyvõ pe realidad ñemoambuẽpe, jahejávo Ñandejára omoambue ñande rekove, ñañandúgui ñañehenóiha peteĩ estilo de vida simple ha austerope, oñemoĩva solidaridape umi imboriahúva ndive ha opracticáva pe compartición de bienes"*. (Opciones XXV Capítulo General) rehegua.

Aha'arõ ko mba'e guasute congregacional ñañandúva ñanemomýi jaguero via ha gua pe **fecundidad ñande rekovépe** *"jajeroviágui pe certeza umi oñeha'arõ yvare, pe factibilidad ha asombroso oje'eha, pe evidencia sorprendenteva"*. Aha'arõ ja'acepta *"María ha Isabel ñeipepirũ ojajoaju ha gua pe corriente de espera confiada-pe ndaiporihápe mba'eve ikatu yva Ñandejárape guarã"*. (Ana Ma Díaz)

Jajerure Maríape ha'e tañanepytyvõ **ñañeñandu ha gua peteĩcha ko barco congregacional-pe, ha opa yvypóra ndive** osapukáiva peteĩ yvora opavave tapicha dignidad akóinte oĩva céntrope ha peteĩ ñe'ẽme ko planeta ndive osapukáiva oñeñangareko ha gua hese.

¡IVY'APAVE INMACULADA CONCEPCIÓN ÁRARE!!

Toguahe peeme añua guasu peteĩ teĩ ha opavave pende apytégui, avei che hermana Equipo Generalgua rérape.

Barcelona, 8 jasyporundy ary 2025-pe



Misioneras Inmaculada Concepción
Coordinadora General

Isabel Vázquez Rodríguez

guez

Isabel Vázquez Rodrí-

Calle Valencia , 252
08007-Barcelona